

**CONVENIO DE COLABORACIÓN PARA A BONIFICACIÓN DOS CUSTOS DO FINANCIAMENTO DAS MICROEMPRESAS DE GALICIA, TITULARES DE PRÉSTAMOS INFERIORES OU IGUAIS A 25.000,00 €, SUBSCRITO ENTRE O INSTITUTO GALEGO DE PROMOCIÓN ECONÓMICA (IGAPE), AS ENTIDADES FINANCEIRAS E AS SOCIEDADES DE GARANTÍA RECÍPROCA (Programa microcréditos).**

### **MEMORIA XUSTIFICATIVA**

O Director do Area de Financiamento do Instituto Galego de Promoción Económica (IGAPE)

#### **DECLARA:**

Que este Instituto ten previsto formalizar coas entidades financeiras e as Sociedades de Garantía Recíproca (S.G.R) o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2017.

Que o instrumento convencional ten por obxecto:

*A colaboración entre entre a entidade de crédito, as Sociedades de Garantía Recíproca e o Instituto Galego de Promoción Económica (Igabe), coa finalidade de establecer unha liña de bonificación ao financiamento obtido, mediante a modalidade de préstamo inferior ou igual a 25.000,00€, polas microempresas de Galicia que cumpran os requisitos das bases reguladoras das axudas do Igabe.*

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

*IGAPE é a Axencia de desenvolvemento rexional de Galicia. Como ente de dereito público con personalidade xurídica e patrimonio propios, entre os seus principais obxectivos están os de impulsar o desenvolvemento competitivo do sistema produtivo galego, a promoción de políticas integrais de apoio ás empresas e desenvolver accións dirixidas á mellora da súa competitividade. Así mesmo, pretende dotar as microempresas e pemes galegas de recursos financeiros en óptimas condicións de prazo, tipo de xuro e garantías que lles permitan acometer os seus proxectos de investimento e dotarse da liquidez necesaria para o desenvolvemento da súa actividade.*

*Nun contexto, no que os custos financeiros das pemes españolas en xeral, e galegas en particular, presentan un sobrecusto en relación a outros países da UE, considérase necesario arbitrar mecanismos que faciliten o acceso ao crédito e sirvan para minorar o seu custo, en especial nas microempresas, autónomos e emprendedores, que se*

*atopan con especiais dificultades para o acceso ao crédito a longo prazo en condicións competitivas.*

*Neste senso, ponse en marcha un programa de apoio ao financiamento das pequenas e medianas empresas para a bonificación dos custos do financiamento para acometer investimentos en Galicia e dotarse da liquidez necesaria para o desenvolvemento da actividade na Comunidade Autónoma de Galicia. Dito apoio consiste na bonificación do tipo de xuro das operacións de préstamo iguais ou inferiores a 25.000,00 € que se concerten coas entidades de crédito asinantes do presente convenio e na compensación, no seu caso, dos avais financeiros prestados polas SGRs.*

*Os fondos para a formalización destas operacións serán os facilitados polas entidades de crédito mediante os contratos de financiamento asinados para o ano 2016, para a Liña ICO-Garantía SGR/SAECA 2016 e Liña ICO-Empresas e Emprendedores 2016 ou ben mediante os seus propios fondos con aval dunha Sociedade de Garantía Recíproca ou do Igape.*

*O acordo de colaboración ten o obxecto de facer compatibles as bonificacións do tipo de xuro previstas polo Instituto Galego de Promoción Económica cos préstamos das citadas liñas, para o apoio dos investimentos ás pequenas e medianas empresas, de xeito que aquelas que financien os seus proxectos de investimento con operacións de crédito (préstamo) acollidos a ditas liñas se poidan beneficiar, para estes mesmos proxectos, das axudas complementarias establecidas polo IGAPE.*

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustifico o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela a once de outubro de 2016.

**Luis Cerviño Pernas**  
Director da Área de Financiamento do IGAPE